



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

LXXXV. Ein kauffbrieff Hanss Holtzendorffs, dorinne er dem Closter vorkaufft 45 groschen 1 pfenn. Jerlicher pacht Im dorf Storkow vor 40 Reinische Goltgulden etc.

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

LXXXV. Ein kauffbrief Hanss Holtzendorffs, dorinne er dem Closter vorkaufft 45 groschen 1 pfenn. Jerlicher pacht Im dorf Storkow vor 40 Reinische Goltgulden etc.

Vor allenn Christenn ludenn, die dessenn minenn openn brieff sehenn, hörenn effte lesenn, vnd funderlikenn vor mine rechte eruenn vnd erfgenamenn Bekenne Ik Hanss Holtzendorp, datt Ik mit wolbedachtenn mode vorkofft hebbe vnd Jegenwardich vorköpe Inn krafft vnd macht dessels openbrieffs deme würdigenn In Gott vater vnd herrn, Ern Johanse, Abbeth thor Hemmelporrt, vnd sinenn gantzenn Conuente Inn deme dorpe Storkow, by Tempelin gelegenn, XIV groschenn einen penningk Brandenburgyscher botalunge, achte penninge vp eynenn groschenn gerekenth, vnd achtehalf hoenn vp dessen nageschreuen höuenn vnd huenn, alle vp dem hoff, dar nu vp woneth Czale XIII groschen vnd II hoenn; vp dem hoff, denn nu bewonett Wegin, V groschen einenn penningk vnd II hoenn; vp dem hoff, dar nu vp wonett Heinike, III groschen; vp dem hoff, denn nu bewanett Hanss Berbom III groschenn; vp dem hoff, dar nu vp woneth Michell Hennybe, II groschenn vnn dem teget vnde II groschenn pacht vnd II hoenn; vp dem hoff, denn nu bewoneth Olde dreger, VI groschenn vnd II hunre; vp dem hoff, dar nu vp woneth Tewefs dreger, III groschenn, vnd vp dem hoff by dy stege gelegenn vonn Tempelin tho, dar nu vp woneth dy kruger, IV groschenn. Desse vorbenömbdenn pacht vnd hunre schölen dy herenn van der Hemmelporth börenn alle Jar vnn dessenn vorgeschreuen ludenn vnd van allenn öhrenn nakamelingenn, dy vp den vorbenömbdenn höuenn werdenn wanenn, tho alle funte Mertenfs dage, vnd vth denn houenn tho pandende vmme sodane pacht vnd hunre, wo vake en defs noth vnd behoff Ifs, funder einigerleie ansprake mine, miner, eruenn vnd rechte erfgenamenn, vnd schölen denn vorbenomdenn pacht vnd hunre hebbenn meth allem rechte, also alle my mine vater den pacht vnd hunre geerueth hett vnd my, minenn rechtenn eruenn vnd rechtenn erfgenomenn ann dessenn pacht vnd hunre nicht tho behaldende, besunderen dy kop schall ewich bliuenn; vnd dy Herenn vnn der Hemmelporrt schölen dessenn vorbenömbdenn pacht vnd hunre ewich börenn vnd hebbenn ohne mine, miner eruenn vnd erfgenamenn Infrage, hulperede vnd argelift, vnd Ik vnd mine rechtenn eruenn schölen deme vorbenömbdenn herren vnn der Hemmelporrt eine were wesenn vor alle den gennenn, dy vor recht kommenn vnd rechtens genienn vnd entgeldenn willenn. Vor dessenn vorschreuen pacht vnd hunre hett my dy vorbenömbde here mitt sinem Conuente geueenn virtich Rinsche gude gulden, dy sy my alle woll tho genöge vnd tho dancke betalet hebben vnd an minen, miner eruenn vnd erfgenamenn nuth vnd framenn gekamen findt. Hirby, ane vnd ouer findt gewest alle tuge dy vorsichtigenn: Claufs Marggreue, schulte tho Storkow, Czale wegen, Hanss Berbom vnd dy kruger darfulueft vnd ock gemeylikenn alle bure, kostenn vnd huenern defs vorbenömbdenn dorpes Storkow. Tho vorder witschop vnd bewarunge hebbe Ik Hanss Holtzendorp min Ingefegell an dessen minen openbrieff lathen hengenn, dy geschreuen vnd geueen Ifs in dem dorpe Storkow, nach Gades geborth virteihundert vnd in deme negesten jare, defs drudden fondagefs na paschenn.

Dass dise Copej mit Irem Rechten Original Collationiret vnd demselben allenthalben gleichlautendt sei, dass Bekenne vnd bezeuge Ich offtgenganter Notari Erasmus Seydell mit diser meiner eigenen Handtschrift.